

REGULAMENTO DE LICENZAS DA FEDERACIÓN GALEGA DE MOTOCICLISMO (FGM)

Artigo 1.- Obxecto e ámbito de aplicación.

1.- O presente regulamento de licenzas é unha norma interna da Federación Galega de Motociclismo, xerarquicamente subordinado aos Estatutos da mesma, ao que se refire o artigo 5.1.h) da Lei 3/2012, do 2 de abril, do Deporte de Galicia.

2.- O ámbito obxectivo e subxectivo de aplicación desta norma contráese á actividade propia da Federación Galega de Motociclismo e ás persoas integradas na mesma.

3.- Esta norma ten por obxecto a regulación das licenzas da FGM.

4.- Esta norma ten carácter definido para a tempada 2026. Esta norma estará en vigor desde a tempada 2026 inclusive, en tanto non sexa modificada ou derogada por outra posterior.

Artigo 2.- Natureza, efectos e finalidade das licenzas.

1.- A licenza federativa é o documento de carácter persoal e intransferible que outorga aos seus titulares a condición de membros rexistrados da Federación Galega de Motociclismo a través dos distintos estamentos.

2.- A obtención da licenza federativa comportará para o seu titular a aplicación dos seguintes dereitos e deberes previstos nos Estatutos federativos para os membros dos correspondentes estamentos.

3.- Para a participación en actividades ou competicións oficiais da Federación Galega de Motociclismo precisase estar en posesión de licenza federativa expedida por esta.

4.- Así mesmo, as licenzas expedidas pola Federación Galega de Motociclismo habilitarán aos seus titulares para participar en competicións oficiais de ámbito territorial superior nos casos e condicións que estableza a correspondente normativa da Federación Española de Motociclismo

Artigo 3.- Clases de licenzas polo seu obxecto

No seo da Federación Galega de Motociclismo existirán as seguintes licenzas en función do seu obxecto:

a) Licenzas de carácter competitivo: son as que habilitan para participar en competicións oficiais. Á súa vez, divídense en:

I. **Autonómica**: aquelas que única e exclusivamente habilitan para participar en competicións oficiais da Federación Galega de Motociclismo.

II. **Homologada RFME**: aquelas que habilitan para participar en competicións oficiais da Federación Galega de Motociclismo e, ademais, nas competicións de ámbito territorial superior conforme á normativa federativa correspondente.

b) Licenzas de carácter recreativo: Licenza social ou adestramentos son as que habilitan para participar noutro tipo de actividades deportivas, de carácter non competitivo, organizadas pola Federación Galega de Motociclismo.

Artigo 4.- Clases de licenzas por estamentos.

As licenzas federativas poderán corresponder aos seguintes estamentos:

- a) Entidades deportivas/Clubs.
- b) Deportistas, Mochileiros, Mecánicos.
- c) Xuíces-árbitros: Director Competición, Comisario Deportivo, árbitro.
- d) Técnicos: Cronometrador, Comisario Técnico.

Artigo 5.- Prohibicións e incompatibilidades.

1.- Non poderá expedirse licenza a favor de quen estea cumprindo calquera sanción disciplinaria ou penal que carrexese a privación de licenza, ou inhabilitación para o desempeño das actividades que permita a licenza solicitada, así como aos sancionados por dopaxe en virtude do disposto pola súa lexislación específica. Os sancionados con suspensión de licenza poderán renovar ou obter nova licenza en calquera momento, sen prexuízo de non poder desenvolver as actividades en cuestión ata o total cumprimento da sanción correspondente.

Artigo 6.- Estranxeiros.

1.- Poderán obter licenza (da clase que sexa), os residentes comunitarios e os estranxeiros non comunitarios con residencia legal en España.

2.- Tratándose de menores de idade, sen prexuízo do cumprimento dos requisitos que en cada momento poida establecer a Federación Internacional de Motociclismo

para a protección dos menores, para obter licenza bastará coa acreditación do seu empadramento nun municipio do Estado.

Artigo 7.- Duración.

En función da duración da vixencia das licenzas estas pódense clasificar en:

a) Ordinaria: son aquelas que se expiden polo que reste de tempada deportiva. Caducan o 31 de decembro do ano de expedición.

b) De día: son aquelas que se expiden para a participación nunha determinada competición de duración non superior a 3 días. (a rfme limita esta solicitude nos ctos. De España a dúas por ano)

C) Cuatrimestral fin de ano (1 de setembro a 31 decembro)

Artigo 8.- Licenzas de entidades deportivas.

Poderán obter licenza de entidade deportiva aqueles clubs ou seccións deportivas debidamente rexistrados para a práctica do Motociclismo no Rexistro de Entidades Deportivas da Xunta de Galicia.

Os clubs interesados en darse de alta na FGM deberán enviar o impreso de solicitude facilitado pola FGM acompañado da seguinte documentación: Estatutos, acta fundacional, relación da xunta directiva e carta do rexistro de entidades deportivas onde notifican a alta e número de rexistro. Xunto con esta documentación deben remitir comprobante de pago das taxas en vigor en concepto de alta FGM.

O club pode solicitar o alta á federación española (rfme) nas condicións que a rfme estableza. Os clubs afiliados á rfme que non teñan pagada a cota establecida pola rfme a 31 de decembro da tempada finalizada será dado de baixa ante a rfme na seguinte tempada.

O alta na FGM renovarase cada ano ao pagar a factura da cota anual que se estableza na asemblea. Os clubs que non queiran renovar a licenza deberán comunicalo por escrito en calquera momento da tempada vixente e non se lle pasará a factura da seguinte tempada. Se o club non envía a solicitude de baixa á FGM, esta emitirá a correspondente factura no comezo da seguinte tempada.

Os clubs que non teñan pagada a licenza da tempada en vigor serán dados de baixa a 31 de decembro e non poderán facer ningún tipo de trámite na FGM na seguinte tempada. Os federados non poderán sacar licenza nin facer trámites por ese club.

Artigo 9.- Licenzas de deportistas.

A licenza Homologada é a única válida para participar en Campionatos de España (CE) e en todo territorio nacional en probas e adestramentos federados. Inclúe a licenza galega. É tamén válida para participar en Campionatos Galegos (CG).

A licenza Galega é válida para participar en Campionatos Galegos. Pódese ampliar a homologada RFME pagando a diferenza de prezo.

A licenza Social é válida para probas sociais de carácter rexional e adestramentos comunicados en zona privada. Non válida para os CG ou CE.

A licenza Xogade Infantil (Alevín, Xuvenil e Cadete) é válida para participar en probas celebradas en Galicia, puntúa para os CG, non é válida fora de Galicia. Só para residentes en Galicia.

Todas as licenzas deberán ser tramitadas có boletín de solicitude cuberto e selado polo moto club que a tramita, acompañada da fotocopia do DNI ou carné de conducir. Cando se tramiten de forma telemática a documentación requirida deberá enviarse por correo-e.

Categorías de Licenza:

Licenza Categoría "SÉNIOR":

Expedirase previa cumprimentación dos trámites regulamentarios, aos pilotos que a soliciten despois de estar un ano en posesión de Licenza Júnior, ou aqueles pilotos que estiveron en posesión da licenza Júnior 3 anos.

Licenza Categoría "JÚNIOR":

Expedirase previa cumprimentación dos trámites regulamentarios, aos pilotos a partir de 15 anos cumpridos. Os menores de 18 anos deberán presentar obrigatoriamente AUTORIZACIÓN DE MENORES, a licenza Júnior poderase sacar un máximo de tres anos.

Licenza Categoría "VETERANO":

Expedirase previa cumprimentación dos trámites regulamentarios aos pilotos que cumpran as idades regulamentarias da categoría na que compiten.

Os maiores de 55 anos deberán presentar certificado médico.

Licenza Categoría CADETE-XUVENIL-ALEVIN:

Expedirase, previa cumprimentación dos trámites regulamentarios aos pilotos que a soliciten, previa presentación do Certificado Médico de aptitude física e autorización paterna por escrito e coa sinatura recoñecida. Obrigatorio estar en posesión de DNI.

Os pilotos con licenza Cadete, Xuvenil e Alevín terán limitada a súa participación a competicións que se celebren en circuitos fechados e que sexan exclusivas para a súa categoría.

Tódolos pilotos destas categorías deberán presentar coa súa licenza obrigatoriamente a AUTORIZACIÓN DE MENORES asinada polo pai e nai:

CATEGORÍA CADETE: Dos 14 aos 15 anos. (Non ano que cumpren 16 teñen que sacar a Júnior)

CATEGORÍA XUVENIL: Desde os 11 aos 13 anos.

CATEGORÍA ALEVÍN: Desde os 6 anos ata os 11. (Obrigatorio ter 6 anos cumpridos)

ACREDITACIÓN INFANTIL: Desde os 4 ata os 6 anos. (NON COMPETITIVA)

Licenza "UNHA COMPETICIÓN":

Expedirase aos pilotos que a soliciten, cos mesmos requisitos anteriores para cada categoría e só será válida para unha competición. Pódese establecer un máximo de trámites por ano que será reflexado no regulamento da Especialidade.

Licenza "CUATRIMESTRE":

Expedirase aos pilotos que a soliciten, cos mesmos requisitos anteriores para cada categoría e só será válida para o último cuatrimestre do ano (1 setembro-31 decembro).

TRÁMITES INTERNACIONAIS DE LICENZA. As licenzas internacionais trámitanse directamente na RFME. Antes de facer calquera trámite internacional hai que ter tramitada a licenza homologada RFME.

Todos os pilotos que non teñan carné de conducir deberán presentar certificado médico de aptitude física e fotocopia do DNI, só poderán participar en probas celebradas en circuíto fechado.

Na fin de semana que haxa unha proba ou adestramento non federado nun circuíto, zona, percorrido etc non se poderá activar o seguro de adestramentos para ese circuíto ou zona.

Artigo 10.- Licenzas de adestradores-técnicos.

1. As licenzas de adestradores-técnicos divídense nas seguintes categorías de acordo coa súa titulación:

a) Adestrador: precisarase a titulación adestrador.

2. Tratándose de adestradores-técnicos cuxa actividade implique contacto habitual con menores de idade, deberán acreditar non ser condenados por sentenza firme por algún delito contra a liberdade e indemnidade sexual, mediante certificación negativa do Rexistro Central de delinquentes sexuais que deberá achegarse á Federación de ... xunto coa súa solicitude de licenza.

Artigo 11.- Licenzas de xuíces-árbitros e técnicos.

As licenzas de xuíces-árbitros divídense nas seguintes categorías de acordo coa súa titulación:

a) Director competición: precisarase a titulación Director

b) Árbitro: precisarase a titulación Comisario Deportivo.

c) Comisario Deportivo/Xurado: precisarase a titulación Comisario Deportivo.

d) Comisario Técnico: precisarase a titulación de Técnico.

e) Cronometrador: precisarase a titulación Cronometrador.

Artigo 12.- Aseguramento de accidentes deportivos.

1.- A expedición de calquera licenza federativa leva consigo a obriga de subscribir un seguro que garanta a cobertura de indemnización para os supostos de perdas anatómicas ou funcionais ou de falecemento, así como a asistencia sanitaria, derivados de accidente deportivo, nos termos establecidos na normativa vixente da Comunidade Autónoma de Galicia.

2.- O dito seguro será subscrito pola Federación Galega de Motociclismo en condición de tomador, sendo o titular da licenza o asegurado.

Artigo 13.- Recoñecemento médico previo.

- 1.- Para a expedición de licenza de deportista esíxese o sometemento a un recoñecemento médico que determine a inexistencia de contraindicacións para a práctica do Motociclismo .
- 2.- O contido mínimo do referido recoñecemento médico previo á tramitación da licenza de deportista deberá recoller expresamente “apto para a practica deportiva”.
- 3.- Están exonerados do recoñecemento médico aqueles deportistas que presenten carné de conducir.

Artigo 14.- Función de expedición de licenzas.

- 1.- A Federación Galega de Motociclismo, na súa condición de entidade que exerce a función pública delegada de expedición de licenzas, de carácter administrativo, é competente en réxime de exclusividade para expedir e tramitar licenzas federativas de (Motociclismo) na Comunidade Autónoma de Galicia, baixo a tutela da Administración deportiva autonómica.
- 2.- A Federación Galega de Motociclismo exercerá a función de expedición de licenzas federativas de forma directa, sen que esta poida ser obxecto de delegación ou exercicio de substitución sen a autorización da Administración deportiva autonómica.
- 3.- A expedición de licenzas federativas ten carácter regrado, non podendo denegarse a licenza a canta persoa solicitante reúna as condicións necesarias para a súa obtención.
- 4.- A Federación Galega de Motociclismo informará a calquera persoa interesada sobre os requisitos necesarios para a obtención dos seus distintos tipos de licenzas.

Artigo 15.- Tramitación e emisión de licenzas.

- 1.- As solicitudes de licenza deberán ser obrigatoriamente formuladas polo club ao que se vincule/polo interesado ou os seus representantes legais a través dos modelos específicos establecidos pola Federación Galega de Motociclismo achegando os documentos preceptivos indicados nos devanditos modelos para cada tipo de solicitude, que serán de acceso libre a través da páxina web da federación.
- 2.- O prazo de solicitude de licenzas para cada tempada iníciase o 1 de xaneiro e conclúe o 31 de decembro.
- 3.- As solicitudes de licenzas presentadas por entidades deportivas deberán selo obrigatoriamente por medios electrónicos.

4.- As solicitudes de licenzas para menores de idade deberán ser subscritas polos proxenitores, titores ou institución que exerzan a súa representación legal.

5.- A tramitación das solicitudes compételle ao persoal laboral federativo.

6.- Calquera solicitude que adoece da falta dalgún requisito emendable, dará lugar ao requirimento ao interesado para que, nun prazo de dez días hábiles, emende a falta ou achegue os documentos preceptivos. Se o interesado non emendase os defectos advertidos no referido prazo, teráselle por desistido da súa solicitude.

7.- A resolución sobre concesión ou denegación de licenzas compételle ao Secretario.

8.- As licenzas deberán ser emitidas e postas ao dispor do solicitante ou, no seu caso, denegadas motivadamente, no prazo máximo dun (1) mes a contar desdeo seguinte á entrada na Federación da solicitude debidamente formalizada.

9.- O cómputo do prazo referido no apartado anterior suspenderase polo tempo que medie, no seu caso, entre o requirimento de corrección de defectos e o seu efectivo cumprimento polo interesado.

10.- Calquera solicitude de licenza entenderase outorgada por silencio positivo, se non se notifica resolución expresa no prazo máximo indicado no apartado oitavo do presente artigo.

11.- Contra a denegación expresa da licenza solicitada ou contra a denegación da entrega do documento xustificativo da obtención de licenza por silencio positivo, caberá recurso ante o Comité Galego de Xustiza Deportiva, nos termos da súa propia normativa.

Artigo 16.- Licenzas nulas.

1.- Serán causa de anulación das licenzas concedidas:

- a) A falsidade nos datos facilitados para a súa obtención.
- b) Incorrer en duplicidade de licenza, vinculándose a máis dun club, nese caso será anulada a licenza máis recente.
- c) Incorrer en incompatibilidade entre dúas ou máis licenzas de acordo co previsto no presente regulamento.
- d) No caso de licenzas outorgadas por silencio positivo, e sempre que a Federación estime que non se reúne algún dos requisitos esenciais para obtela, antes de resolver sobre a súa anulación outorgaráselle á persoa licenciada un prazo de 30 días para dar cumprimento ao requisito que non reunía.

2.- O procedemento de anulación de licenzas poderá iniciarse de oficio ou por denuncia e na súa tramitación que lle compete ao persoal laboral federativo, deberá garantirse a audiencia da persoa interesada por un período de dez (10) días hábiles.

3.- A resolución anulando ou mantendo a validez da licenza compételle ao persoal federativo e fronte á mesma caberá recurso ante o Comité Galego de Xustiza Deportiva, nos termos da súa propia normativa.

Artigo 17.- Protección de datos persoais.

1.- A recollida, tratamento, cesión e calquera acto análogo respecto dos datos persoais das licenzas federativas, axustarase ás disposicións vixentes en materia de protección de datos de carácter persoal. En particular, estarase ao disposto no artigo 28.6 da lei 3/2012, do 2 de abril, do deporte de Galicia.

2.- A finalidade da recollida e tratamento dos datos persoais achegados coas solicitudes de licenzas de persoas físicas é a de tramitar e xestionar as licenzas federativas e habilitar a participación de tales persoas nas actividades federadas.

3.- Os datos obtidos unicamente serán cedidos e transferidos a entidades e organismos imprescindibles para poder levar a cabo as finalidades derivadas do exercicio das facultades inherentes á licenza durante o tempo en que o interesado permaneza integrado na organización federada, coas garantías establecidas na normativa en materia de protección de datos e sen prexuízo dos dereitos que lle asistan nesta materia.

Artigo 18.- Importe das licenzas.

1.- O importe das licenzas será o fixado para cada tempada pola Asemblea Xeral da FGM para cada especialidade, estamento ou categoría, segundo se recolle no Anexo I ao presente regulamento.

2.- No caso de que calquera importe fose anulado por acto administrativo ou resolución xudicial entenderase aplicable o anterior importe en vigor para o devandito tipo de licenza.

Artigo 20.- Soporte e contido das licenzas.

1.- As licenzas federativas emitiranse en soporte dixital (pdf)

2.- O formato das licenzas federativas é o recollido no Anexo II do presente regulamento.

3.- No documento da licenza, ademais dos conceptos económicos que resulten obrigatorios no caso das licenzas que permitan a participación en ámbitos superiores ao autonómico, deberán consignarse claramente, como mínimo, os seguintes datos:

a) O selo, logotipo e denominación da Federación Galega de Motociclismo e da Xunta de Galicia.

b) Duración da licenza.

- c) Nome e apelidos da persoa titular.
- d) Data de nacemento da persoa titular.
- e) Especialidade deportiva.
- f) Entidade deportiva á cal se vincula o titular durante o período de duración da licenza.
- g) Categoría/estamento.
- h) Dereitos federativos. Este contido poderá ser substituído pola súa remisión mediante ligazón ao desenvolto con máis extensión en determinado apartado da páxina web federativa.
- i) Identificación da Compañía Aseguradora e teléfono de atención e emerxencias.
- k) Número de póliza para a declaración do accidente deportivo, no seu caso.

4.- As licenzas que habiliten para a participación en actividades ou competicións de ámbito estatal deberán reflectir polo menos en lingua española os datos correspondentes.

Disposición Final.- Entrada en vigor.

O presente regulamento entrará en vigor a partir da súa aprobación pola Administración deportiva autonómica, tal e como se establece na Instrución do 10 de febreiro de 2021, da Secretaría Xeral para o Deporte, para a remisión dos regulamentos de licenzas das federacións deportivas galegas (DOG núm. 33, do 18 de febreiro de 2021). O regulamento entenderase aprobado, se no prazo de tres (3) meses a Administración deportiva autonómica non notificase a correspondente resolución de aprobación.

ANEXO I

**IMPORTES DOS DISTINTOS TIPOS DE LICENZAS PARA A TEMPADA
2026**

TARIFAS PREZOS DE LICENZA 2026				
CATEGORÍA	GALEGA		HOMOLOGADA	
	CLUBE	INDEPEND.	CLUBE	INDEPEND.
SENIOR - VETERANOS	540 €	570 €	645 €	675 €
JUNIOR	510 €	540 €	610 €	640 €
CADETE (**XOGADE)	60 €	90 €	160 €	190 €
XUVENIL (**XOGADE)	60 €	90 €	160 €	190 €
ALEVIN (**XOGADE)	60 €	90 €	160 €	190 €
TRIAL (+15 anos)	345 €	375 €	400 €	430 €
MINIMOTOS (+14 (SCOOTERS, PIT & POCKET BIKES))	326 €	356 €	400 €	430 €
1 COMPETICIÓN CTOS. (1D.) - CE 2 x temp	87 €	97 €	115 €	145 €
1 COMPETICIÓN CTOS. (2D.) - CE 2 x temp	146 €	156 €	165 €	195 €
1 COMPETICIÓN CTOS. (3D.) - CE 2 x temp	186 €	196 €	210 €	240 €
SOCIAL - ADESTRAMENTO — NON COMPETITIVA	265 €	295 €	265 €	295 €
ADVENTURING / MTR	230 €	260 €	255 €	285 €
ADVENTURING / MTR 1 DÍA	45 €	55 €	75 €	85 €
CREDENCIAL MOTOTURISMO	30 €	40 €	45 €	55 €
ACREDITACIÓN MEC / MOCH/ Menores EN	227 €	257 €	295 €	325 €
CREDENCIAL COMISARIO PISTA	100 €	110 €	170 €	180 €
CREDENCIAL COMISARIO PISTA (4D)	40 €	50 €	65 €	75 €
INICIACIÓN NON COMPETITIVA (4 a 6 anos)	88 €	118 €	110 €	140 €
CARGO OFICIAL	220 €	250 €	305 €	335 €
CARGO OFICIAL 1P (máx. 4D consecutivos)	61 €	71 €		
CURSIÑO/ENTRENOS DÍA (Trial-miniVel)	23 €	33 €	70 €	80 €
CURSIÑO/ENTRENOS DÍA (MX-SX-CX-EN)	33 €	43 €	75 €	85 €
CURSIÑO/ENTRENOS DÍA (VEL - SM)	43 €	53 €	85 €	95 €
COTA ANUAL MOTO CLUBE	125 €		185 €	

HOMOLOGADA, Única válida para participar en Ctos. de España, válida para toda España.

GALEGA, Válida para participar nos Ctos. Galegos, válida para Galicia.

SOCIAL, Válida para **PROBAS REXIONAIS de CARACTER SOCIAL**. Válida para adestramentos, cursiños.

ALEVÍN ** seguro xogade subvencionado SXD **NACID@S** EN 2016-17-18-19-20 (a partir 6 anos)

XUVENIL ** seguro xogade subvencionado SXD **NACID@S** EN 2013-2014-2015

CADETE ** seguro xogade subvencionado SXD **NACID@S** EN 2011-2012

**** Só para nen@s residentes e escolarizados en Galicia**

Os pilotos poden renovar a súa licenza na zona privada de federado. As dos menores de 18 anos so serán validadas cando se reciba a autorización do pai e da nai mais certificado médico por correo-e. As novas altas deben enviar solicitude e copia do carné.

Pagos ABANCA ES27 2080 5041 1830 4003 5307

MODELO DE LICENZAS 2026 – DESCARGA DIXITAL



AON **digglo**

PROTOCOLO DE ACTUACIÓN EN CASO DE ACCIDENTE DEPORTIVO

- Asistencia ante **URGENCIA VITAL** (está en riesgo la vida del afectado).
- Asistencia **URGENTE** (centro hospitalario concertado).
- Asistencia **NO URGENTE** (derivación a especialista).

La **asistencia médica** garantizada en la póliza será prestada por los **centros médicos o facultativos concertados por la compañía aseguradora**. La única **excepción** a este punto es la **urgencia vital** recibida en centro hospitalario más próximo, pudiendo no ser este uno de los centros concertados por la compañía aseguradora, **Lloyd's Insurance**.

EN CASO DE PRECISAR ASISTENCIA MÉDICA URGENTE DEBE LLAMAR AL TELÉFONO INDICADO A CONTINUACIÓN DONDE LE INDICARÁN EL CENTRO CONCERTADO AL QUE DEBE ACUDIR:

931 804 272

PRUEBAS QUE PRECISAN AUTORIZACIÓN DE LA COMPAÑÍA

- TODAS LAS URGENCIAS** (EXCEPTO LA URGENCIA VITAL), CONSULTAS CON ESPECIALISTAS, PRUEBAS DIAGNÓSTICAS, SESIONES DE REHABILITACIÓN O CUALQUIER OTRO TRATAMIENTO, PRECISAN **AUTORIZACIÓN PREVIA**.
- PARA **SU AUTORIZACION** ES NECESARIO QUE EL ACCIDENTE ESTE COMUNICADO Y EL **PARTE DE ACCIDENTE ESTÉ ENVIADO AL SERVICIO MÉDICO DE LA COMPAÑÍA ASEGURADORA, DEBIDAMENTE CUMPLIMENTADO Y SELLADO POR LA FEDERACIÓN**.

SISTEMA DE SOLICITUD DE AUTORIZACIONES PREVIAS

- LAS AUTORIZACIONES LAS PUEDE TRAMITAR TANTO EL CENTRO MÉDICO COMO EL LESIONADO/A**. EL LESIONADO/A PUEDE ENVIAR UN CORREO ELECTRÓNICO CON EL INFORME MÉDICO RESULTANTE DE LA CONSULTA, PRUEBA O FINALIZACIÓN DE UN TRATAMIENTO Y EL TRAMITADOR ASIGNADO LE CONTESTARÁ CON LA ACEPTACIÓN O DENEGACIÓN DE LA CONTINUIDAD DE ASISTENCIA.

EL LESIONADO DEBE PONERSE EN CONTACTO TELEFÓNICO CON EL SERVICIO MÉDICO DE LA COMPAÑÍA ASEGURADORA SIEMPRE PARA LA DECLARACIÓN INICIAL DEL ACCIDENTE. LAS DUDAS, CONSULTAS, COMUNICACIÓN DE INCIDENCIAS, PUEDEN SER ATENDIDAS POR CUALQUIERA DE LAS VÍAS (TELEFÓNICA O CORREO ELECTRÓNICO).

- EL SERVICIO MÉDICO DE LA COMPAÑÍA ASEGURADORA RESOLVERÁ, SOBRE LA PETICIÓN, EN UN PLAZO MÁXIMO DE 72 HORAS DESDE LA RECEPCIÓN DE LA PETICIÓN DE AUTORIZACIÓN + DOCUMENTACIÓN NECESARIA.

OBSERVACIONES

- TRANSCURRIDOS 7 DÍAS DESDE LA OCURRENCIA DEL ACCIDENTE SIN QUE ESTE HAYA SIDO COMUNICADO AL SERVICIO MÉDICO DE LA COMPAÑÍA ASEGURADORA, EL SINIESTRO SERÁ RECHAZADO.**

CON SEGURO XOGADE ALV – XUV- CAD



1	COMUNICAR No 881 85 00 87 ou https://partesxogade.es Precisará o Identificador que está no carné de Xogade
2	Nuns minutos recibirán unha chamada indicando o centro médico no que autorizan a asistencia.
3	ACUDIR ao centro médico indicado pola mútua.
4	Os representantes legais recibirán un SMS cun enlace para AUTORIZAR a xestión de datos.
5	Deberán ENVIAR os informes médicos (tamén o de ALTA) á aseguradora. Teñen 2 vías: Correo: xogade@gerosalud.es Plataforma: https://partesxogade.es
+	
!	A entidade (centro educativo, club ou federación) ten 7 días desde a lesión para CERTIFICAR na aplicación de Xogade https://inscripcion-xogade.xunta.gal